



高鐵臥鋪列車來往香港西九龍站與北京西站，以及香港西九龍站與上海虹橋站，逢星期五至一晚上出發，翌日早上便可直達目的地，立即展開行程！



床鋪安排

床鋪係點安排㗎？

一般係4人房，即係臥鋪車廂，有2張上下床鋪

我鍾意上鋪，買車票時，有無得揀？

買票時可以揀上鋪或下鋪床位㗎，建議長者揀下鋪喇

咁同班friend 一齊去玩，可唔可以瞓到同一間房？

系統會盡量安排同一間房和相連床鋪位，但都要視乎當時剩餘車票而定，仍有機會同其他旅客共享房間

如果你去西九龍站票務櫃位買票，職員都會盡量為你安排

要自備床上用品嗎？

每張床都有枕頭同被鋪，好貼心㗎

👐

仲有無障礙房間方便輪椅乘客，係2人房分上下床鋪，可以到車站票務櫃位查詢同購票



床鋪位置

聽人講話上到車好難搵到自己張床😭😭

喺12306賬戶嘅「本人車票」或者購票時提供嘅「行程信息提示」上面，有寫到車廂同座位編號，因為你搭卧鋪列車，座位編號即係床鋪號

你首先要搵咗車廂，車廂內每間房外面會有個發光標示牌，你唔駛理會大啲個數字，果個係房間號，細啲果堆數字就係床鋪號喇

明晒😄😄

提提你，雙數係上鋪單數係下鋪



車上餐飲

車上有無食物供應呢？

有餐卡但食物同飲料供應有限，可能未必滿足晒旅客嘅要求



餐車

👉 咁我都帶定啲輕食做宵夜


👍 車上仲有免費熱水，記得帶埋水壺或杯，以備不時之需




個人衛生

車上有無梳洗設備㗎？

每卡車有3個獨立洗手間連洗手盤，而洗手間外仲有額外洗手盤㗎😊



洗手間



額外梳洗空間

提提你，車上無淋浴設施，建議你沖完涼先上車，或帶多一套衣服更換，旅程會更舒適


👉



充電設施

車上係唔係有充電插座㗎？

每張床鋪都有充電插座，而車廂亦有插座，你可以自備內地適用嘅轉換插頭同充電用品，咁就可以充到電。帶埋流動充電器就最穩陣喇！



房間內插座

👍

仲想知道有關班次同其他資料，去

